



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm VI. Dilecti.

[urn:nbn:de:hbz:466:1-62587](#)

&us sit, ad Cæsareum tribunal res denique deferetur. Sin autem Princeps ille exemptus sit ab Imperatore, tum causa devolvatur ad Ordinarium monasterij, qui est Episcopus Generalis Ordinis, vel deniq; Papa.

5 *QVÆRITVR I.* Vtrum Sede Episcopali vacante contra Capitulum Cathedrale actione coram domino feudi institui possit in causa feudalii. Respond. Affirmatiuè apud Gaill lib. 1. obseru. 30. quia ad Capitulum Sede vacante devolvitur omnis Episcopalis iurisdictio tum spiritualis tum temporalis, ergo sicut Episcopus in causa feudalii coram domino feudi conueniri debet, vti dixi lib. 4. Th. mor. tr. 9. c. 5. Ita etiam Capitulum Sede vacante. Bene tamen admonet Gaill n. 15. Non esse satis tutum litigare cum Capitulo, vacante Sede, nisi Ecclesiæ legitimus defensor seu administrator cum auctoritate deputatus sit, vt dicam infra in c. deputati.

6 *QVÆRITVR II.* Vtrum controversia super iure emphyteutico ad dominum emphyteusis v. g. Abbatem Monasterii deferri debet, sicut controversia feudalis ad dominum feudi. Resp. Negatiuè, cum idiure expressum non sit; constitutio autem Capituli imperialis cum sit exorbitans à iure communis & ordinario, extendi non debet ad causum non expressum. Excipe, nisi dominus emphyteuseos habeat super iisdem bonis iurisdictionem, adeoque idem sit dominus emphyteuseos, & iudex ordinarius loci, saltem immediatus; multa enim v. g. Monasteria Germaniae iurisdictionem concessam sibi in feudum exercent in territorio suo, quare si ipsi coloni emphyteutici controversiam inter se habeant, ad Abbatem, aut ab ipso constitutum iudicem deferri debet, saltem in instantia prima: sin autem colonus cum Abbatem controversiam habeat super iure emphyteutico, quod simul etiam feudale est, aut si controversia sit cum Monasterio super ipsa iurisdictione, tum ad dominum feudi, qui est v. g. Comes, Dux &c. recurrit solet, vt sentit hic Innocent. n. 4.

* * *

CAPITVLVM VI.

Dilecti.

PARAPHRASIS.

Iudex Ecclesiasticus non debet subtiliter nomen intentatæ actionis requirere, sed simpliciter ac purè ipsum factum, & rei veritatem secundum canones inuestigare.

SUMMARIUM.

1. *Nomen actionis in libello non necessariè exprimitur.*
2. *Definitio libelli declaratur, & qualis is esse debeat.*
3. *Factum, videlicet contractus vel delictum, est causa remota actionis personalis, ius autem & correspondens obligatio est causa proxima.*
4. *Interdum ex uno facto aut contractu plures obligationes, & actiones oriuntur, & tum species eius significanda, qua intentatur, ne libellus ineptus fiat, & reiciatur, si actoris intentio non appareat.*
5. *Si ex pluribus actionibus non appareat in libello, quam actor intentet, attendenda est narratio facti, vel ius argumenti, quod adducitur, deinde conclusio libelli.*
6. *Si tum ex ipsa libelli constitutione, tum ex postea deductis in iudicium dubitatur, quenam actio sit intentata, eam eligere iudex debet, qua actori utilissima est.*
7. *Potest adiectio in libello clausula huic salutaris: super his omnibus peto mihi iustitiam administrari omni meliori modo.*
8. *Alia que præterea in libello exprimi debent, comprehenduntur sequenti districto:*
Quis, qui, coram quo, quo iure petatur, & à quo,
Rectè compositus quisque libellus erit.
9. *Forma actionis personalis.*
10. *Forma actionis realis.*
11. *Libellum ineptè compositum index reipæcere*

cere potest, si autem recipiat, nec Aduersarius contradicat, & lis contestata sit, procedi debet, si ex actis appareat, quid & quacausa petatur.

NO T A N D V M Vnicum. Si factum & ius actoris seu causa petendi in oblate libello appareat, postulandum non est, ut nomen actionis exprimatur, esset enim haec nimia subtilitas, à qua iura canonica ahorrent.

2. Pro intellectu aduerte primò, quod libellus est breuis, clara & ordinata scriptura iudici & parti demonstrans intentionem actoris. vide Hostiensem, Abbatem in Rubricâ eius tituli, Legistas in Lamplioré 39. Dicitur *scriptura*, quia in scriptis offerri debet c. 1. de libelli oblatione. *Brevis*, quia res ecclatis superfluis necessaria aut utilia continere debet, quæ faciant ad intentionem actoris, & quibus probatis contra aduersarium obtinere possit, c. examinata 15. *Clara*, si enim obscurus libellus offeratur, ita ut propter aequiuocationem aut alternatiuam determinate non appareat, quid petatur, rei ci potest l. Prætor, 7. ff. quod autem, vbi tamen Glosa & DD. monent, libellum alternatiuum admitti propter probabile dubium seu incertitudinem rei v. g. peto mihi rem meam à professore iniquo restitui, si extet, aut aestimationem eius, si non extet. Peto contractum, testamentum, sententiam declarari nullam, vel si quo modo valeant, rescindi, aut me aduersus eam restitu: item dico sententiam nullam esse, aut si mero iure valet, contra eam appello. Videri potest Setastianus Vantius de nullitatibus Tit. quot & quibus modis nullitas n. 7. *Ordinata*, quia bono ordine libellum esse constructum oportet, vt tria contineat, primò facti narrationem, secundò explicitam inde causam seu ius petendi, tertio ipsam petitionem, quæ veluti conclusio libelli est. Videri potest Bartolus l. si prius quam, n. 13. ff. de noui operis nunciatione. Angelus §. 9. n. 7. de Actionib. *Iudici & parti &c.* propter utrumque enim libellus suffert, propter illum, ut sciatur, quid petatur, seu ad quid, & ex qua causa officium im-

partiri debeat, quandoquidem Iudex iuxta actoris petitionem (in causis ciuilibus, de quibus loquimur, non criminalibus) iudicij formam ordinare, & secundum iudicij formam sententiam proferre debet, c. licet, 31. iuncta Glossa de simonia, quare dicitur in l. 3. C. de edendo, quod edita actio speciem futuræ litis demonstrat, propter aduersarium verò seu reum, ut cognitæ actione, quæ conuenitur, deliberare possit, num contendere, aut lite cedere malit l. 1. ff. de edendo.

Aduerte 2. Ex Hostiensi, Bartolo, An-
gelo l. c. Abbate in Tract. de ordine iudicia-
rio c. diuisio actionum, quod factum, videlicet contractus vel delictum sit causa remota
actionis personalis, ius autem & correspon-
dens obligatio sit causa proxima; nam ex co-
tractu vel delicto oritur quedam obligatio,
ex obligatione autem actio seu petitio iudi-
cialis descendit, & sic contractus seu deli-
ctum est veluti auia, inquit Abbas, obligatio
filia, & actio neptis. haec itaque tria in libel-
lo personalis actionis comprehenduntur, vi-
delicet dedi Titio mutuos 100. quamob-
rem obligationem contraxit tantum restitu-
endi, peto itaque ut condemnetur, & com-
pellatur ad restitutionem. Porro sicut apud
logicos vna in syllogismo propositio inter-
dum subcitetur, quia continetur virtualiter,
ita etiam quandoque post narratam speciem
facti, omisso argumento seu medio, statim
proponit petitio seu conclusio, v. g. Titio
dedi mutuo 10. ideo peto eum condemnari
ac compelli ad restitutionem, sicuti notauit
Bartol. cit. n. 13. Host. n. 3. Decius h. c. n. 9.

Veruntamen interdum accidere solet, ut
ex uno facto aut contractu plures obligatio-
nes actionesque descendant, dum speciem
eius significare oportet, ne libellus ineptus
fiat, ac rei ciendus, si actoris intentio non
apparet. Exempli causâ, si à Caio per
iniuriam vulneratus sis, & contra eum agere
velis, præter facti narrationem explicare
debes, num criminaliter agas actione iniuriarum ad publicam pœnam iudicis arbitra-
tu infligandam, an verò ciuiliter seu pro
proprio interesse, & tunc titulum explicare
oportet, utrum agere velis ciuili acti one in-

b. 3. iuria-

iuriarum ad poenam tibi applicandam, quanti iniuriam aestimas, videlicet 100. aureis, relicta tamen iudici moderandi facultate; an vero agere velis ex lege Aquilia ad damni illati estimationem propter chyrurgi mercem, & quia ad laborandum inutilis factus es, vti explicaui lib. 3. tr. 3. part. 2. c. 6.

Aliud exemplum. Si equus furtim tibi subtractus sit, vel agere potes ad poenam inferendam contra furem, vel ad rei persecutio nem, quamvis haec actiones se mutuo non tollant, sed una instituta, etiam altera institui possit l. ancillæ 12. C. de furtis. Porro si quis rei persecutoriam actionem instituat, vel agere potest rei vendicatione, vel condicione furtiva, vel condicione incerti, vel ad exhibendum. Refert autem & interest inter has actiones, nam rei vendicatio contra quemlibet rei furtivæ possessorem cōpetit soli domino, quare si hac actione utraris, dominum rei te afferere, & demonstrare debes, vti constat ex tit. ff. & C. de rei vendicatione. Conditio furtiva tendit aduersus furem tantum aut haeredem eius, vt restituatur rem, si extet, si vero absumpta est aut perdita, vt soluat estimationem eius, iure 8. ff. eod. competit autem haec actio tantum domino, cui res sua subtraeta, & haredi eius §. furti instit. de oblig. ex delicto l. siue manifestus 20. §. tamdiu ff. de condic. furtivâ; sin autem is, cui res subtraeta, dominus non sit, tamen ius in re habeat, videlicet creditor, ei conceditur actio contra furem vel haeredem eius, quæ dicitur condicione incerti, l. condic. 12. §. meracius ff. eod. Sunt autem haec conditiones inter personales actiones numerandæ, quamvis etiam in rem tendant, id est que velut mixtæ censeantur, §. sic itaque de Actionib. denique actio ad exhibendum personalis in rem scripta cuiilibet competit, cuius propter rem familiarem interest, vt rem mobilem exhibeat, qui exhibendi copiam habet, l. 1. & seq. ff. ad exhibendum.

5 Aduerte 3. Ex Angelo cit. n. 3. Abbe hic n. 15. si ex eodem facto plures obligaciones, actiones sue emergant, & non satis in libello appareat, quænam earum intentetur, tum potissimum attendi debet primò, quid-

nam in specie facti narratum, vel pro argu mento adductum fuerit: cuius rei ratio est, quia libellus ita formari debet, vt nihil in eo superfluum afferatur: vt si in libello narretur, quod Ecclesia prædium infra dimidium iusti pretij vendendo læsa sit, non censetur petere restitutionem in integrum officio iudicis faciendam, sed intentare actionem ex l. 2. de rescindenda venditione, vt venditio re scindatur, vel quod iusto pretio deest, sup pleatur, quandoquidem ad in integrum restitutionem impetrandam non opus est læsionem esse ultra dimidium iusti, sed sufficit, si læsio sit notabilis. Alterum & magis præcipuum est conclusilibelli, etenim conclusio explicat ac determinat totam actionem actorisque intentionem, vti egregie docet Innoc. in c. super 20. n. 3. de rescriptis. Gaill lib. 1. obseru. 6. num. 15. vbi ait, in libello non tam attendendum esse, quid, quale, & quantum narretur, sed quid ex narratis concludatur & petatur. Quamobrem vt ad propositū redeam, si in supra dicti libelli conclusione iudicis officium imploretur ad in integrum restitutionem, adiecit illa supra dimidium iusti ex abundante censembitur facta, non autem plura alia in libello ponit solent, quæ ab solutè necessaria non sunt, quod actor non intendat se obligare ad probanda omnia narrata, sed ea tantum, quæ obtinendæ causæ necessaria sunt secundum Bartolum in l. Di uus.

Aduerte 4. Quod si tum ex ipsa libelli 6 constructione, tum ex postea deductis in iudicium dubitetur, quænam actio intentata sit, eam eligere iudex debet, quæ actori utilissima est, argumēto l. si quis, 65. ff. de iudic. ad quod etiam conferet, si libello clausula, quam salutarem vocant, adjiciatur, super his omnibus peto mihi iustitiam administrari omni meliori modo: nam per hanc clausulam petitio actoris dilatatur, vt omnis actio & omne remedium, quod in narratis virtu aliter continetur, seu inde resultare potest, in iudicium deductum censeatur, sicut notauit Angelus l. c. n. 7. Gaill lib. 1. obseru. 6. n. 11. vbi ait, quod per talem clausulam iudicis officium imploretur, ita vt plus etiam quam in libello

libello petitum fuit, in litis progressu obtineri possit, v.g. vt possessorum iudicium intentans possit simul etiam in petitorio obtinere. Sed & hoc omittendum non est, quod in eodem libello plures actiones cumulari possint, si se mutuo compatiantur, v.g. actio possessori & actio petitorij, item si quis verberatus aut vulneratus est, simul & actione iniuriarum, & legis Aquilię agere potest eodem libello, argumento leg. qui seruum 34. ff. de oblig. & notat Gaill lib. 1. obseru. 67. n. 9. qui monet, tot iudicis sententias, quamvis vno tempore seu contextu requiri, quot actiones sunt, ceterum si actiones contrariae cumulentur, libellus substantialiter vitiosus erit, nisi vt suprà dixi, actiones alternatiæ proponantur.

8 Aduertendum 5. ex Hostiensi de libelli oblatione §. 3. quod præter dicta etiam alia in libello exprimi debent, quæ omnia hoc versu comprehenduntur:

*Quis, qui, coram quo, quo iure petatur,
& à quo
Rectè compositus quisq; libellus habet.*

9 Forma actionis personalis. Coram vobis domine Iudex comparrens Titius actor, vel Procurator Titij exponit, quod proximo vere sex vini plaustra singula 100. taleris emerit à Caio clericu Augustanæ diœcesis, eidemque pretium soluerit, ex quo secundum omnia iura dictus Caius traditionem vini sine morâ facere tenebatur, qui verò 7. iam mensibus vinum tradere nō sine damno emptoris prætermisit, ideo petit idem actor iustitiam sibi administrari, Caiumque condemnari ad vini venditi traditionem vna cum restitutione damnorum & expensarum ad 50. taleros excurrentium, quibus ille culpabilis suā morā causam præbuit.

10 Forma actionis realis. Coram vobis domine Iudex comparrens Titius parochus, vel Titius procurator Parochi Ginzburghensis Augustanæ Diœcesis breuiter exponit, quamvis ager inter duo prata M & N. situs parochiæ suæ redditibus incorporatus, & protali ab antecessoribus Parochis possessus sit, nihilominus Bonifacius clericus Augu-

stanæ diœcesis dictum agrum occupat, & hucusque detinere, ac fructus inde colligere præsumpsit, idē petit actor iudicialiter decerni, dictum agrū ad ius parochiæ suæ pertinere, & Bonifacium ad restitutionem eius sibi Parocho faciendam vna cum tractibus perceptis & percipiendis, nec non compensatione damnorum & expensarum omnium condemnari, & efficaciter compelli.

In qua formula talis actionis animaduerte re licet, quod causa seu radix actionis, quod est dominium, seu ius in re, fundamenti loco ponitur, posteà vero subiungitur aduersarij factum, quo huic dominio seu iuri reali co trauenit iniuste occupando vel detinendo, exinde enim actio realis oritur ad recuperationem, nisi malitaliquis, ne ad dominij probationem astricatus sit, solam in libello possessionem suam, & aduersarij turbationem aut spolium allegare ac petere, vt per interdictum possessorum sibi subueniatur.

Obijcies. Bartolus, Abbas & alij communiter aiunt, quod libellus continere debeat syllogismum iuridicum, cuius maior propositio est causa seu argumentum agendi ex iure desumptum, minor autem facti speciem continent, in quo tale jus obligatio que reperiatur, ex quibus sequitur conclusio, quæ est petitio actoris, vt hanc rem bene explicat Matthæus Wesenbechius in paratilis lib. 2. ff. tit. 13. n. 3. atqui in propositis libellorum paradigmatis talis syllogismus non cernitur, ergo non rectè tradita videntur. Resp. Syllogismum in omni libello contineri virtualiter & implicitè, sed non semper formaliter & explicitè, sicuti Logici dicunt.

NOTA N D V M tamen est, quod oratores seu causidici syllogismos in formam non exactè redigere soleant, sed ita proponere, vt & facti species, & ius seu argumentum inde desumptum appareat aptè ad concludendum.

Ex his itaque intelligitur intentio huius capituli, quod iudex ecclesiasticus attendere debeat ad narrationem facti, & causam seu ius actoris, exinde facile colliget, quid petatur, & quā institutā actione, tametsi eius non menō exprimatur. Quod si actor libellum offerat inepte compositum, v.g. obscurum impro-

impropria verba continentem, aut malè ordinatum iudex rei jure potest, imò lacerare, relictā tamen potestate actori, vt alium offeras, si autem recipiat, nec Aduersarius contradicat, & lis contestata sit, procedi debet, si ex actis iudicis etiam supplente officio nihilominus appareat, quid & ex qua causā petatur, vti Abbas docet hic n. 12. Decius num. 10.

CAPITVLUM VII.

Intelleximus.

PARAPHRASIS.

Licet excommunicatus in iudicio stare non possit, excipitur tamen, si ipse conueniatur vt reus, quia non oportet eum ex maiestate commodum referre, debet autem per alium respondere.

SUMMARIUM.

1. Excommunicatus in iudicio stare non potest, nisi res.
2. Repelli potest à reo per exceptionem, & à iudice, etiam non vitandus, modo excommunicatio notoria sit.
3. Acta tamen iudicij valent, si contra excommunicatum, licet vitandum, exceptum non sit.
4. Etiam Notarius & quicunque alius excommunicatus à iudicio repellere potest.
5. Reus excommunicatus, maximè vitandus, cogi potest ad constituendum procuratorem, si causa ardua non sit, & habere procuratorem possit, eique debitum salariū dare.

NO T A N D V M. Licet excommunicatus in iudicio agere seu alterum conuenire non possit, potest tamen conueniri vt reus.

Quod ad priorem attinet partem, vel excommunicatus agere vult in causā excommunicationis sue, tum si dicat eam iniuste latam esse, ad iudicium non admittitur, nisi prius absoluatur, sive autem proponat esse

etiam irritam, tunc ad probandam intentiō nem admitti potest, fermè tamen consultum est, vt prius ad cautelam absoluatur, quād audiatur, c. per tuas 40. de sententia excommunicationis: vel excommunicatus in aliā causā agere vult, & repelli potest, eti toleratus sit; sin autem non toleratus seu vitandus, à iudice ex officio repellere debet: verū si nec à iudice, nec ab aduersario repellatur, acta iudicij valent. Et debent hæc intelligi de omni actione criminali & ciuili, in foro Ecclesiastico & seculari, siue excommunicatus per se, siue per Procuratorem agat, s. fixata regulam 67. quod alicui non licet suonmine, nec alieno licebit.

Quod excommunicatus quicunque à reo & repellere possit per exceptionem, dummodò, si excommunicatio notoria nō sit, eam intra dies octo demonstrat, habetur in c. 1. de except. in 6. & videri potest Suar. de censur. d. 16. f. 3.

Quod vero etiam à iudice repellere possit excommunicatus etiam non vitandus, si excommunicatio publica seu notoria sit, constat ex eo, quia iure antiquo talis repellere debebat cit. c. in fine: iure autē nouo post Constantiensem extravagantem, hoc discrimen est inter excommunicatum vitandum & non vitandum, quod ille repellere debeat, iste autem possit, cūm nihil de rigore iuris antiqui ob fauorem excommunicati remissum fuerit. Vide in c. prudentiam 21. f. 6. de officiis delegati. Denique quod acta iudicij valeant, si contra excommunicatum quamvis vitandum, exceptum non sit, constat ex c. 1. & docui lib. 1. tr. 5.

His adde, quod non tantum iudex & aduersarius, sed etiam notarius & quicunque alius excommunicatum à iudicio repellere queat secundum Gl. receptam in cit. c. 1. ver. opponit, & tradit Dec. n. 19. generalem dans regulam: si iudex ex officio propter bonum publicum supplere debeat, etiam tertium, cuius propriè non interest, admittendum esse.

Quod ad posteriorem partem attinet, videlicet reum conueniri posse, ratio in texu est, ne ex iniuitate commodum reportet, quare annotauit hic Abb. n. 3. Dious. in reg. 61. in 6.